



ALGEMENE OUEROMSENBRIEF NOMMER 8 VAN 2022

10 Maart 2022

Geagte Ouer/Voogde

Toeskouers en besoekers word weer tydens wedstryde en/of oefeninge op die skoolperseel verwelkom. Dit is gepas om ons gedragkode vir ouers en besoekers te deel aangesien ons vir die eerste keer in 'n baie lang ruk weer sport- en kultuuraktiwiteite begin ondersteun.

Randburg ouers het nog altyd die standaard gestel van hoe 'n ouer langs die sportveld optree en hierdie tradisie moet ons te alle koste behou en beskerm. 'n Randburg toeskouer/ondersteuner se optrede is nog altyd gekenmerk deur absolute waardigheid en uiterste selfbeheersing.

Hier volg nou 'n uittreksel vanuit ons skool se beleidsdokumentasie met die gepaardgaande versoek dat ELKE ouer hom-/haarself hiermee sal vereenselwig. **Plek-plek word 'n opmerking ter verklaring in rooi aangedui.**

Gedragkode vir ouers en besoekers soos hersien op 19 Augustus 2019, geneem en verwerk vanaf Fedsas konsep-beleid.

“Elke ouer en/of besoeker aan die skoolterrein verbind hom/haar daartoe om:

- hierdie gedragkode en al die reëls en regulasies van Hoërskool Randburg getrou na te kom;
- hoë morele en etiese standaarde te handhaaf wanneer hy/sy die skoolgrond besoek of skoolaktiwiteite bywoon;
- daarna te streef dat sy/haar optrede altyd verantwoordelik en ter bevordering van die skool se goeie naam sal wees;
- die skool en die leerders met ywer te ondersteun; en
- die hoflikheid en respek teenoor alle personeel, leerders, besoekers en veral skeidsregters te betoon.

1. VEREENSELWIGING MET DIE SKOOL

Ouers en toeskouers moet hulleself as verteenwoordigers van die skool beskou wanneer hulle wedstryde, byeenkomste, optredes of enige ander skoolaktiwiteite bywoon of hulle kinders by sodanige aktiwiteite ondersteun. Ouers en toeskouers word aangemoedig om die span waarin hulle kinders speel, sowel as soveel moontlik ander skoolspanne, te ondersteun.

2. GEDRAG GEDURENDE SKOOLBESOEKE OF SKOOLAKTIWITEITE

- 2.1 Ouers en/of besoekers moet so optree dat hulle nie die skool se naam oneer aandoen of personeel of leerders in die verleentheid stel nie en hulle gedrag moet van so 'n aard wees dat hulle altyd 'n goeie beeld van die skool na buite uitdra en uitbou.
- 2.2 Ouers en/of besoekers moet selfbeheersing toepas en respek, hoflikheid en verdraagsaamheid teenoor mekaar, opvoeders, leerders, mede-toeskouers, afrigters, skeidsregters, beoordelaars en teenstanders betoon.
- 2.3 Opvoeders, deelnemers, afrigters, skeidsregters of beoordelaars mag nie geïntimideer word nie.
- 2.4 Ouers en/of besoekers moet optree volgens die gedragskode wat 'n bepaalde kultuur- en sportsoort vereis.
- 2.5 Fisiese geweld, lasterlike en beledigende taal of onweloweglike tekens gedurende sportwedstryde of ander aktiwiteite is streng verbode. **Enige rassistiese kommentare en/of opmerkings of optrede word ten sterkste verbied.**
- 2.6 Ouers en ondersteuners word voorts versoek om hulle van negatiewe opmerkings of ongehoorde taalgebruik teenoor skeidsregters, ander beamptes, beoordelaars, spelers of hulle teenstanders se ondersteuners te weerhou.
- 2.7 Ouers wat enige aktiwiteit van die skool bywoon, moet aan die versoeke en reëlins van die betrokke skool en/of organiseerders gehoor gee.
- 2.8 Enige vorm van geweld of ontwrigting wat 'n negatiewe uitwerking op enige skoolaktiwiteite kan hê, word verbied.
- 2.9 Die gebruik van alkohol en onwettige dwelmmiddels gedurende enige skoolaktiwiteit is streng verbode.
- 2.10 Geen wapens of gevaarlike voorwerpe mag op die skoolterrein gebring word nie, tensy vir amptelike werksdoeleindes, soos in die geval van lede van die SAPD.
- 2.11 Besoekers mag slegs in die aangewese rookgebiede rook en slegs indien dit nie met die leerders se opvoeding of aktiwiteite inmeng nie.
- 2.12 Ouers, ondersteuners en toeskouers word versoek om die aangeduide afstand vanaf die kantlyne van die bepaalde sportveld of -baan te handhaaf en nie binne die speelveld of enige ander afgebakende areas op die skoolterrein of gedurende 'n aktiwiteit te gaan nie.

- 2.13 Ouers en/of besoekers word versoek om die skoolterrein netjies en skoon te hou, en niemand mag rommel strooi nie.
- 2.14 Ouers en toeskouers word versoek om nie op die veld of baan te gaan wanneer 'n speler 'n besering opdoen nie. Indien die afrigter/spanbestuurder of noodhulppersoneel dit nodig ag, sal die betrokke ouers nader geroep word.

3. GEDRAG BY KULTUUR- EN SPORTOEFENINGE

- 3.1 Afrigters mag nie gedurende kultuur- en sportoefeninge onderbreek word nie, al is dit om raad te gee, reëlins te tref, terugvoering te vra of klagtes en probleme te bespreek.
- Klagtes word op skrif gestel en gerig aan die sporthoof wie dan die hantering van die klagte sal fasiliteer. GEEN ouer konfronteer ENIGE afrigter of skeidsregter in die hitte van die oomblik by die sportbepaling of oefening nie.***
- 3.2 Ouers mag geensins met 'n afrigter se spankeuses inmeng nie.
- 3.3 Ouers mag die hoof/'n afrigter/spanbestuurders versoek om op 'n gepaste tyd en plek enige navrae, klagtes en voorstelle te bespreek. ***Soos by oueraande duidelik gestel, word kommentare en klagtes op WhatsApp-groepe NIE gemaak of aanvaar NIE.***
- 3.4 Gesprekke tussen ouers en personeel/afrigters behoort wedersyds op 'n konstruktiewe, hoflike, beheersde en eerbiedige wyse te geskied.
- 3.5 Skooleiendom wat gedurende 'n oefening gebruik word, mag nie sonder vooraftoestemming van die skoolhoof en in oorleg met die personeellid wat daarvoor verantwoordelik is, van die skoolterrein verwyder word nie. Indien enige toerusting aan enigiemand geleen word, moet dit behoorlik in 'n register aangeteken word en moet die persoon in kennis gestel word dat hy/sy vir enige skade of verlies aanspreeklik sal wees.

4. KOMMUNIKASIE

Ouers en ondersteuners kan enige navrae of probleme ten opsigte van 'n spesifieke aktiwiteit met die organiseerder of skoolhoof bespreek. Indien die skoolhoof of organiseerder dit nodig ag, sal die kwessie met die betrokke afrigter bespreek word. Ouers word verwys na die skool se kommunikasiebeleid.

Die beheerliggaam en skoolpersoneel is daartoe verbind om te alle tye die belange van die skool te bevorder en die ontwikkeling van die skool deur die voorsiening van onderwys van gehalte aan alle leerders in die skool te probeer verseker. Hierdie verbintenis geld ook ten opsigte van die organisasie en aanbieding van alle skoolaktiwiteite. Ouers en/of besoekers word dus versoek om die beheerliggaam in dié taak te ondersteun.

5. NIE-NAKOMING VAN DIE GEDRAGSKODE

In geval van nie-nakoming van die gedragskode sal die oortreder vriendelik versoek word om die ongewenste gedrag onmiddellik te staak. Indien 'n ouer/besoeker se gedrag enige skoolaktiwiteit ontwig en die persoon nie wil gehoor gee aan die skoolhoof of beheerliggaam se versoek om die gedrag te staak nie, is die beheerliggaam by magte om die persoon toegang tot die terrein te weier en, indien nodig, van die terrein te verwyder of te laat verwyder.

SWEMINTERHOËR 2022:

In Omsendbrief nommer 7 van 2022 het die hoof gewelooslik versuim om vermelding te maak van ons swemspan en hul prestasie by die jaarlikse sweminterhoër.

Op Dinsdag, 1 Maart 2022 het ons te Crawford Ruimsig deelgeneem aan die jaarlikse sweminterhoër en 'n algehele tweede plek behaal. Ons swemmers het beïndruk met hul



sportmangees en mekaar deurlopend aangemoedig en ondersteun. Elke individuele swimmer het bepaald sy/haar beste gelewer en end uit tot by die wenstreep alles gegee. Ons is baie trots op ons swemmers en veral hoe hulle hulself by die swemgala gehandhaaf het.




SLOT

Ons maak staat op elke ouer se samewerking as toeskouer by ons skool. Ons het 'n goeie naam om hoog te hou en wil dit so behou. So gee ons elke toeskouer die geleentheid om met oorgawe te ondersteun en die dag te geniet. So verseker ons dat die kind sy/haar aandag by die spel kan hou en sy/haar beste lewer. So gee ons die afrigters die ondersteuning om hulle beste te lewer.

So probeer ons elke keer om beter te wees as wat ons gister was. Ons wen met erkenning waar dit toekom en verloor met waardigheid.

Elke stukkie sport is 'n kosbare opvoedingsmoment wat ons nie mag misloop nie.

Vriendelike groete.



F Booyesen: Hoof